



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS  
*manè discutienda in Scholis Medicorum, die Jovis vigesima-octavâ  
mensis Martii, Anno Domini M. DCC. XLVIII.*

M. JOSEPHO-MARIA-FRANCISCO DE LA SONE,  
Censore Regio, Regiæ Scientiarum Academiæ Socio &  
Chirurgiæ Gallico Idiomate Professore, Doctore Medico,  
Præside.

*An in vulneribus profundè contusis incisiones cultro Chirurgico profundè in-  
stituta necessariam præparent aut promoveant suppurationem?*

I.



N. vulnere simplici vascula secantur. Tunc  
fibræ viventes certò semper gradu tensæ, vi  
elateris à se invicem recedunt, coarctantur,  
fiunt breviores, corrugantur: vi vitæ tonicâ  
adhuc dum vigent, adhuc dum oscillant: reparari valent  
& rursus coalescere.

A



Hiantia illorum oscula paululum stringuntur : juxta vulneris parietes sanguini fit obex. Quid tum ? Stillat lymphæ nutritia. Sororiantur carneæ papulæ. Vulneris parietes coeunt. Glutine cicatrix figillatur. Opus natura totum peragit.

Ergo nulla vulnerum sincera curatio, nisi vulnus quodcumque compositum, arte famulante, ad majorem, quam fieri potest, simplicitatem accesserit, naturaque sibi ipsi reddita curationis laborem inchoet efficacem.

## I I.

**J**AM verò inter vulnera composita unum sanè maximi momenti vulnus profundè contusum.

Hic non secando, sed lacerando, obterendo divelluntur, discerpuntur fibræ, vasa. Circumquaque fit vulnusculorum accumulatio. Elater infringitur. Tonica vitæ vis eliditur. Actio moritur organica. Frigus lethiferum incumbit.

Ab hiantibus ruptorum vasorum fissuris liquores distillant. Spongiarum more imbuuntur partes : distenduntur : velut obruuntur. Sanguis stagnat : coagulatur.

Deindè vasa contusioni proxima, paululum collisa, à fluidis perpetuò appellentibus turgent : penè suffocantur.

Tum natura vires recolligit. Arteriæ viventes promptius, altiùs oscillant, insurgunt. Nascitur inflammatio vividior. Calor oritur intensior, putrefaciens. Gangræna imminet.

## I I I.

**R**URSUS si contusio partem aponevroticam, nerveam colliserit ; ibi sensus acutior : celerior irritatio. Vt vitæ summè irritabili fibrarum textus circum-

quaquē coarctatur , contrahitur : fit tensior : spasmus rigit : acerbè distrahitur : convellitur : maximè dolet.

Strangulantur vascula. Stat sanguis ingurgitatus. Fortius arietant arteriolæ. Serpit , acuitur inflammatio. Vividior urit calor. Stagnans fluidum putrefit.

Fervidior ardet febris. Convulsis nervis mirè corpus succutitur inquietum. Mox expirantes naturæ vires indicat delirium.

### I V.

**P** O R R O quid hîc agendum? Nec mora: sanguinem per venæ sectionem abundè , frequenter elimina. Partes attritas , tumentes , oppressas subleva. Profundis incisionibus exonera , evacua , reseca , aufer.

Quid tum? Stagnans liquor , coagulatus , putredini addictus foras amandatur. Subjacentium tonus fibrarum aptè reviviscit , sibi redditur. Laudabilis suboritur inflammatio : benignam parit suppurationem. Contusæ disjunguntur escharræ , decidunt : in pus liquantur. Vulnus expurgatur. Fit simplex.

Rursus nerveas partes , aponevroticas strictiores , spasmus tensas , rigentes , strangulatas iisdem incisionibus relaxa , dilata , emolli.

Quid indè? Tensior fibrarum textus remittitur. Vasa irritatione quasi suffocata , revincta solvuntur , oscillant. Fluidum spasmodicis obicibus non præpeditum faciliùs circumagit circuitum. Fit salutaris inflammatio : pus.

### V.

**Q** U I D quod? auxilia minùs cruenta incisionum vices gererent? Quid quod? Carneis partibus attritis , elatere vitæque orbatis roborantia topica tóni-



cam vitæ vim sola restituerent, adderent? Quid quod? sanguis extra vasa stagnans, spissescens per sola resolutiva resorberetur? Salutiferâ suppuratione diffunderet? Quid quod? Et strangulatus partium nervearum, aponevroticarum textus: vasa spasmo ligata, coercita, per emollientia sola laxarentur?

Repugnat morbi natura: reclamation observatio, experimentum. Ergo cultrum arripe salutiferum.

*Ergò in vulneribus profundè contusis incisiones cultro Chirurgico profundè institutæ necessariam præparant aut promovent suppurationem.*

### DOMINI DOCTORES DISPUTATURI.

*M. Carolus-Ludovicus Liger.*

*M. Franciscus-David Herissant, è Regiâ Scientiarum Academiâ Parisiensi, necnon Regiæ Scientiarum ac Humaniorum Litterarum Academiæ Andegavensis Socius & Chirurgiæ Professor Vicarius.*

*M. Joannes-Baptista Boyer, Regis Consiliarius Medicus in Senatu ac in Præfecturâ Parisensi, Serenissimæ Cœnomanensium Ducissæ Medicus ordinarius, & Censor Regius.*

*M. Joannes-Stephanus Guetard, Regiæ Scientiarum Academiæ, & Censor Regius, & Serenissimi Aurelianensium Ducis Botanicus.*

*M. Antonius Bergier.*

*M. Bernardus de Jussieu, Regiæ Scientiarum Academiæ, Regiæque Societatis Londinensis, Socius & in Horto Regio Botanicæ Prodemonstrator.*

*M. Natalis-Maria de Gevignand.*

*M. Jacobus-Franciscus le Chat de la Sourdière.*

*M. Joannes Astruc, Salubris Consilii Regii Socius, Regis Poloniarum Augusti secundi, Electoris Saxonie, dum viveret, Medicus primarius, & Professor Regius.*

Proponebat Parisiis STEPHANUS-LUDOVICUS GEOFFROY, Parisinus, Saluberrimæ Facultatis Medicinæ Parisiensis Baccalaureus,  
A. R. S. H. 1748, à sextâ ad meridiem,

---

Typis QUILLAU, Universitatis & Facultatis Medicinæ Typographi, 1748.